

Kæru forráðamenn.

Nú stýttist í skólabyrjun og undirbúningur skólstarfsins er í fullum gangi. Hér koma nokkrar gagnlegar upplýsingar sem eflaust brenna á mörgum í upphafi skólaársins.

## Breytingar á skólaárinu 2016-2017

Á skólaárinu 2016-2017 verða breytingar á stundaskrár nemenda á yngra- og miðstigi. Allir nemendur skólans hefja nám kl. 8:15 á morgnana eins og verið hefur en breytingar verða á lokum skóladagsins. Skóladegi nemenda lýkur á eftirfarandi tímum:

**Nemendur á yngsta stigi (1.-4. bekkur) ljúka skóladeginum kl. 13:30**

**Nemendur á miðstigi (5.-7. bekkur) ljúka skóladegi kl. 13:50.**

Frímínútur fyrir og/eða eftir hádegismat verða stytta um 10 mínútur. Breyting verður á útivist og frímínútum hjá nemendum. Útivist verður nú á morgnana en þá eiga allir nemendur að fara út í 20 mínútur. Frímínútur verða færðar að nýju fyrir eða eftir hádegismat eftir skólastigum en þá hafa nemendur val um að vera inni í rólegum leikjum eða úti í frímínútum eftir því sem þeir kjósa. Breytingin er færð til fyrra horfs að ósk nemenda Sjálandsskóla. Þá verða breytingar á miðstigi með þeim hætti að kennarar á því skólastigi munu faggreinakenna tungumál, íslensku og stærðfræði á öllu stiginu.

Breytingar á stundatöflum og frímínútum hafa ekki í för með sér breytingu á tímamagni nemenda á yngsta stigi sem verður áfram 32,5 kennslustundir á viku. Hins vegar lengist tímamagn nemenda á miðstigi í 35,5 kennslustundir á viku í samræmi við viðmið Aðalanámskrár grunnskóla. Nemendur verða yfir daginn ýmist í 40 eða 60 mínútna kennslustundum.

Tilgangur breytinganna er fyrst og fremst til að auka gæði skólstarfsins, mæta óskum nemenda um breytingu á frímínútum og útivist og auka kennslumagn nemenda á miðstigi.

## Kynningarfundir nýnema og forráðamanna

Allir **nýir nemendur** Sjálandsskóla og forráðamenn þeirra eru boðaðir á kynningarfundi en þeir verða haldnir fimmtudaginn 18. ágúst á eftirfarandi tímum:

- 1. - 4. bekkur kl.16:30
- 5.-7. bekkur kl.17:15
- 8. - 10. bekkur kl.18:00

Í Sjálalandskóla er hefð fyrir því að skólabyrjun hefjist með foreldra- og nemendaviðtölum þar sem nemendur og forráðamenn þeirra eiga stuttan fund með sínum umsjónarkennara. Fundirnir verða haldnir þriðjudaginn 23. ágúst en kennsla hefst samkvæmt stundaskrá miðvikudaginn 24. ágúst.

Umsjónarkennarar munu hafa samband við forráðamenn á tímabilinu 17. – 19. ágúst og boða í viðtölin. Skóladagatal fyrir skólaárið, upplýsingar um innkaupalista ásamt hagnýtum upplýsingum má finna á heimasíðu Sjálalandskóla.

## Námskeið í heimalestri fyrir foreldra nemenda í 1.bekk

Þann 7. september verður haldið námskeið fyrir foreldra nemenda í 1.bekk. Sérkennari og umsjónarkennarar á yngsta stigi halda námskeiðið en það fjallar um heimalestur og hvernig foreldrar geta sem best stutt við heimalestur barna sinna. Ætlast er til þess að forráðamenn nemenda í 1. bekk mæti á námskeiðið en foreldrar nemenda í 2.- 4. bekk er velkomið að sækja það, óski þeir eftir því. Námskeiðið ber yfirskriftina „Við kennum þið þjálfði.“

Námskynningar verða haldnar á öllum skólastigum vikuna 12.-15. september en umsjónarkennarar munu senda nánari upplýsingar um námskynningu sem snýr að ykkar barni/börnum.

## Skólamatur

Hægt er að kaupa mat fyrir nemendur hjá [skolamat.is](http://skolamat.is). Forráðamenn velja hvort þeir kaupa einn eða fleiri daga. Síðdegishressing er í boði fyrir nemendur sem eru í tómsundaheimilinu Sælukoti en hún er innifalin í gjaldi fyrir vistun barnsins og útbúin af starfsfólki Sælukots. Hægt er að finna upplýsingar um verð á hádegismat á heimasíðu skólamatar <http://www.skolamat.is/verdskra/verdskra-gardabaer>. Skráning fer fram eins og áður segir hjá Skólamat en þeir munu senda upplýsingar til foreldra í lok vikunnar.

Skólamatur verður í boði frá og með fyrsta skóladegi ársins þ.e. 24.ágúst.

## Mjólkuráskrift

Í vetur verður borið fram vatn með hádegismatnum og mjólkuráskrift verðu því hætt. Það er til samræmis við aðra skóla í Garðabæ.

## Tómstundaheimilið Sælukot

Skráning fyrir nemendur í 1.-4.bekk í tómstundaheimilið Sælukot fer í fram á íbúavefnum Minn Garðabær <https://minn.gardabaer.is/login.aspx?ReturnUrl=%2fdefault.aspx>. Skóladegi hjá þessum árgöngum lýkur klukkan 13:30 á daginn, eftir það opnar tómstundaheimilið og er opið til klukkan 17:00. Vegna skipulagningar á starfsmannahaldi biðjum við ykkur að skrá börnin sem fyrst. Verðskrá má finna á vefsíðu Garðabæjar og á heimasíðu Sjálalandskóla [http://sjalandskoli.is/library/Files/Tomstundaheimili/Gjaldskra%20tomstundah%20jan%202013%20\(s%C3%BE%2006%2012%2012\).pdf](http://sjalandskoli.is/library/Files/Tomstundaheimili/Gjaldskra%20tomstundah%20jan%202013%20(s%C3%BE%2006%2012%2012).pdf)

## Frístundabíll

Frístundabíllinn hefur það hlutverk að keyra börn frá tómstundaheimilum grunnskóla í íþrótt- og tómstundastarf. Bíllinn ekur virka daga kl. 14:15-17:30 og fer fram og til baka á hverjum 30 mínútum. Skráning í frístundabíllinn er á íbúavefnum Mínum Garðabæ <https://minn.gardabaer.is/login.aspx?ReturnUrl=%2fdefault.aspx>. Þar er hægt að kaupa kort, fylla á eldri kort og fá nánari upplýsingar um verð.

Hlökkum til samstarfsins í vetur.

Með kærri kveðju,

Edda Björg Sigurðardóttir skólastjóri og Sesselja Þóra Gunnarsdóttir aðstoðarskólastjóri